



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Kurtzes Handtbüchlein/ vnd Experiment/ vieler Artzneyen/  
durch den gantzen Körper des Menschens/ von dem  
Haupt biß auff die Füß**

**Ryff, Walther Hermann**

**Straßburg, Anno M.DC.XIV.**

So einer ein blödes gesicht hat

**urn:nbn:de:hbz:466:1-43769**



## Das Erste Buch.

lvij

Leinsamen auff ein gluz geworffen vnd den rauch  
in die Nasen gezogen/ benimpt den Schnuppen.

Rautensamen gepulvert / vñ in die Nasen gezogen/  
benimpt den schmerzen.

Item Boley gesotten in Wein vnd den gedruncken/  
benimpt den Schnuppen.

### Womit man Haar vertreiben sol.

Ein bewärte Saib die dz Haar vertreibet wo man  
es nit gern hat. Nimb vngelöchten Balck vier quinte  
lin/ das gelb Experiment zwey quintlin/ das Koch in et  
nem Feig. thu darzu ein wenig Wachs/ vnd mach es  
zu einem vnguent/ nimb das vnguent/ vnd reib dare  
mit die statt das es dich schmirze/ das thu dreymal/  
darnach gehe in das Bad/ vnd wenn du schwizest/ so  
lassen sich die Haar gern herausziehen darnach salbe  
es mit Ephew saft.

### Cap. iiii. Von den Augen.

So einer ein blödes Gesicht hat/ womit  
er allen gebresten der Augen wenden sol.

**D**er wenig wasser mit Tutian vermischet/ in die  
Augen gethan machet sie gesund vnd klar.  
Sawrampffer gestossen/ vñ auff die Augen  
gelegt/ gleich einem pflaster/ vertreibet Sitz  
vnd Geschwulst.

Item Antimonium gemischet mit Fenchelwasser/  
vnd in die Augen gethan/ macht sie gesund/ vnd be  
halt das Gesicht.

Bethomenblätter zer. kossen/ vñ auff die Augen ge  
legt/ gleich einem pflaster/ hilfft so einem die Augen  
zerichlagen seind.

Item so einem die Augen alle morgen zu hochen/ so  
nimb Hauptwurzsaft/ vnd wäsch sie damit drey mord  
gen/ es hilfft.

C iij



## Von allerhand Arzney/

Von dem Samen von Basilien gedruncken mit Wein/ benimpt den Schmerzen der Augen/ wie er sein mag.

Den Samen von Wüscheringen gestossen/ vnd den safft vmb die Augen gestrichen/ nimpt den fluß.

Selkreiß safft in die Augen gethan/ nimpt das Säl darinn/ vnd welcher die wurzel am Salz trägt/ dem schwären die Augen nimmer.

Den safft von Augentrost in die Augen gethan/ machet sie klar vnd schön.

Scharlachsamem gestossen/ vnd gemischet mit Senchelsafft/ in die Augen gethan/ macht sie gesund.

Scabiosensafft in die Augen gethan/ die voll Bluts gelauffen sind/ das vertreibt es.

So einer Hitz hat beiden Augen/ oder ein Röte/ vnd geschwollen sein.

Nimb Stabwurz ein quindlin/ vnd ein weiß brotsam Brodts/ send das in Wasser/ vnd behe die Augen damit/ es zucht vil Hitz auß/ vnd vertreibet das Augen schwären.

Dillenwurz gestossen/ vnd auff die Augen gelegt/ benimpt die Hitz darauß.

Schlehen safft vber die Augen gelegt/ oder gestrichen/ benimpt die Hitz darvon.

Braunellen safft gemischet mit Gerstenmäl/ vnd vber die Augen gelegt/ löstfritget die Hitz.

Antimonium mit Rosenwasser gemischet/ vnd in die Augen gethan/ benimpt die röte.

Kämmel gestossen/ vnd gemengt mit dem weissen eines Eys/ vnd obergelegt/ benimpt die Hitz.

Item die blätter von Myrtus gesotten in Wasser/ vnd mit einem Tuch auff die Augen gelegt/ benimpt die Geschwulst darvon.

Burgelsafft auff die Augen gelegt/ benimpt die geschwulst darvon.

So